

# GENÈSE

## Nhin skwai

### *Nhin herkeda*

**1** Te nhinkaɗ na, Bi Zhiklè a ngau gidfèk a herkeda. **2** Herkeda ntil bai, kurndazIndazla'a. Ruva a n'nza a géd drav iyam, a Mèzhèb Zhiklè a zhè a géd iyam. **3** A Bi Zhiklè a ngaɗa: Skwi nhél sam da ga! A skwi nhél sam n'nga'a. **4** A Bi Zhiklè a nrka, skwi nhél sam sa amba. A Bi Zhiklè a nkuzlokona skwi nhél sam auda te va ruva. **5** A Bi Zhiklè a mbaha na skwi nhél sam, pats, a mbaha na ruva, vaɗ. A nda na ma dakwaɗ, a nda na ma a prèk, nasa m'mèn staɗ nshèlèkura'a.

**6** A Bi Zhiklè a ngaɗa: Gidfèk da ga te ndev iyam, a nkezla iyam te va! **7** A Bi Zhiklè a ngau gidfèk, a nkezla iyam, a gu ngela a gédè'a, ngela a godok. **8** Gidfèk, Bi Zhiklè a mbaha na zhiklè. A nda na ma dakwaɗ, a nda na ma a prèk, nasa m'mèn macecèwa'a.

**9** A Bi Zhiklè a ngaɗa: Iyam t'hwad gidfèk da bica va a sam staɗ, sam ngwora'a da rka! A ngu ar haha. **10** Sam ngwora'a, Bi Zhiklè a mbaha na, herkeda; nhèyè iyam, a mbaha na, iyam mbia'a. A Bi Zhiklè a nrka, n'nga'a amba. **11** A Bi Zhiklè a ngaɗa: Herkeda da ftsko skwi nda'a auda: kuza man tser na a zhè, wof man a yi wuda t'herkeda, ngidè ara ngakaɗ na, ngidè ara ngakaɗ na, a tser te pa! A ngu ar haha. **12** A herkeda a nftsko skwi nda'a auda: kuza man tser na a zhè, ngidè ara ngakaɗ na, ngidè ara ngakaɗ na, a wof, man a yi wuda, a tser te pa, ara ngakaɗ ta. A Bi Zhiklè a nrka, n'nga'a amba. **13** A nda na ma dakwaɗ, a nda na ma a prèk, nasa m'mèn mamakara'a.

**14** A Bi Zhiklè a ngaɗa: Skwi nhél samhai da ga a gidfèk, a ta dèl nda pats a vaɗ; a ta gi a skwi man a ngredè nda ngwar a via, a patshi a mvi a mvai, **15** a ta gi a

skwi nhél samhai te gidfèk, a ta hela sam a géd herkeda! A ngu ar haha. **16** A Bi Zhiklè a ngu skwi nhél samhi mbibihia'a cèw. Mbia ngidè, aman a gi bi a pats. Nkèshèa ngidè, aman a gi bi a vad, a ngu bantihi ba. **17** A Bi Zhiklè a mpe ta a gidfèk, aman ta hela sam a géd herkeda. **18** a ta gi bi a pats a vaɗ, a ta dèlè nda skwi nhél sam a ruva. A Bi Zhiklè a nrka, n'nga'a amba. **19** A nda na ma dakwaɗ, a nda na ma a prèk, nasa m'mèn mafada'a.

**20** A Bi Zhiklè a ngaɗa: Skwi nte iyam da ga kumba te iyam, ùiakihai da hau t'hwad gidfèk! A ngu ar haha. **21** A Bi Zhiklè a ngau skwi mbia'a te iyam, a skwi tèlèba man a shèffè a shèwèlè te iyam, a skwi nkelpasl a va, ngidè ara ngakaɗ na, ngidè ara ngakaɗ na. A Bi Zhiklè a nrka, n'nga'a amba. **22** A Bi Zhiklè a mpshè ta ma, a ngaɗa: Va-yu wuda, va-mana a vata, va-ndha hwaɗ iyam mbia'a! 'Diakihai da mana a vata a géd herkeda! **23** A nda na ma dakwaɗ, a nda na ma a prèk, nasa m'mèn mazlama'a.

**24** A Bi Zhiklè a ngaɗa: Herkeda da hulko skwi a nshèffè auda, skwi ndzhamhai, skwi nda-a-hwadhai, skwi dakhai, ngidè ara ngakaɗ na, ngidè ara ngakaɗ na! A ngu ar haha. **25** A Bi Zhiklè a ngu skwi dakhai a skwi ndzhamhai tsad tsad tèlèba, a skwi man a hi tèlèba a géd herkeda. A Bi Zhiklè a nrka, n'nga'a amba.

**26** A Bi Zhiklè a ngaɗa: Ngo-gokoy ndo, ara mèzhèb va nga, a ta gi bi a géd klèfihì te iyam mbia'a, a géd diakihì t'hwad gidfèk, a géd skwi ndzhamhai, a géd skwi dakhai, a géd skwi man ta hi a géd herkeda! **27** A Bi Zhiklè a ngu ndo, ara mèzhèb nenga'a, a nga'a ara Mèzhèb Zhiklè, a ngu ngura'a a ngwoz.

**28** A Bi Zhiklè a mpshè ta ma, a ngàda ta: Va-yu wuda, va-mana, va-ndha herkeda, va-kwor herkeda, va-gu bi a géd klèfihi te iyam mbia'a, a géd ùakihi t'hwad gidfèk, a géd skwi ndzhamhai, a géd skwi man a hi tèleba a géd herkeda! **29** A Bi Zhiklè a ngàda: Na haha, i va kinè lak a géd herkeda tèleba, man tser na a zhè, a wofhi tèleba, man ta yi wuda, a tser te pa. Da gu a skwi n'ndi kinè. **30** Aman a skwi dak a géd herkeda, a ùakihi t'hwad gidfèk, a skwi tèleba man a hi, a shèffè, a géd herkeda, i va ta mandai a ta ndia'a. A ngu ar haha. **31** A Bi Zhiklè a nrka skwi tèleba man a gau: Na haha, n'nga'a amba a vata ba. A nda na ma dakwad, a nda na ma a prèk, nasa m'mèn mamokwa'a.

**2** **1** Gidfèk a herkeda a skwi ta tèleba ta ga'a aranta. **2** A Bi Zhiklè a ndeva mizlinè nenga'a man a ngau te m'mèn matsarada'a. A pats matsarada'a a nsok va te mizlinè nenga'a man a ngu tèleba. **3** A Bi Zhiklè a mpshè na ma pats matsarada'a, a nkezla patsa'a, aman a pats nasa, Bi Zhiklè a nsok va te mizlinè nenga'a tèleba man a gau, a ndeva ma.

**4** Nasa nhinè gidfèk a herkeda, man Zhiklè a nge ta.

### *Gi lak te Eden*

A pats man Ndo nzi pèc pècèk Zhiklè a ngu herkeda a gidfèk, **5** wof nftsa a géd herkeda di bai, ko lak az di bai. Aman Ndo nzi pèc pècèk Zhiklè a n'nga iyam a géd herkeda di bai, ndo mpizhè a géd herkeda az di bai. **6** A minmèn a mshkè auda t'herkeda, a nrufa herkeda tèleba. **7** A Ndo nzi pèc pècèk Zhiklè a ngu ndo a mberfenèk herkeda, a nftè na nshèffè a htsan. Aranta, ndo a zhè a nshèffè ma.

**8** Te deba'a Ndo nzi pèc pècèk Zhiklè a ngu gi lak te Eden, te civèd mvèng pats, a mfedà ndo man a gu a pa. **9** A Ndo nzi pèc pècèk Zhiklè a ngu aman wofhi tsad tsad ta ftskadauda t'herkeda, amba a dai, amba a skwi n'ndai. Te ndev gi lak, wof nshèffè, a wof man a ngreda skwi man amba a skwi man amabai. **10** Te Eden iyam a hakaadauda te nlèlè, a ruè gi lak, te deba'a woyam a nkezla va faè. **11** Nzlembad woyam nshèlèkura'a Pishon; ne-

nga'a a tèuda herkeda Havila, sam man guro a pa. **12** Guro herkeda'a, nzelada'a. Votok bdellium a kwa mbela'a onyx ba a pa. **13** Woyam macecèwa'a, nzlembad na Gihon. Nenga'a a tèuda herkeda Cush a pa. **14** Woyam mamakara'a, nzlembad na Hiddèkel. Nenga'a a hi te civèd mvèng pats a Assyrie. Woyam mafada'a, nzlembad na Euphrate.

**15** A Ndo nzi pèc pècèk a mco ndo, a mfedà a gi lak te Eden, aman a pizhè'a, a berè'a. **16** A Ndo nzi pèc pècèk Zhiklè a njè na ma a géd a ndo, a ngàda: Te nyi wof tèleba te gi lak ka ndia'a. **17** Aman te nyi wof man a ngreda skwi man amba a skwi man amabai, te nenga'a ka da ndau bai. A pats man ka da ndau, ka metsi ngaya.

**18** A Ndo nzi pèc pècèk Zhiklè a ngàda: Amabai aman ndo a nzi a géd na. I woy a i ga na ndo ntakaha ara va na. **19** A Ndo nzi pèc pècèk Zhiklè a ngu skwi dak a ùakihi t'hwad gidfèk a mberfenèk, a nhel ta a sam Adam, a nda va ta nzlembad. Ara man Adam a va ta nzlembad, ta da baha ta arsa. **20** A Adam a mva ta nzlembad a skwi ndzhamhai tèleba, a ùakihi t'hwad gidfèk tèleba, a skwi dak tèleba; aman a ndo, a n'ngatsa skwi ntakaha ara va na bai. **21** A Ndo nzi pèc pècèk Zhiklè a mpa na nzhunè tsekska'a a di a ndo, a nzhun na. A nco te va zlangredav stad, a n'ndèda sam a pa a zluèd. **22** A Ndo nzi pèc pècèk Zhiklè a nrom ngwoz a zlangrendav, man a nco te Adam, a nda'a a sam Adam. **23** Adam a ngàda: Yowa, vatasl te va vatasl ga, zluèd te zluèd va ga. Sèi ta baha na ngwoz-ndo, te man ta co te va ngura'a. **24** A géd nenga'a, ngura'a a di a jèkeda bab na a man na, a zlebi va a ngwoz na, a ta da ndi a zluèd va stad. **25** A Adam a ngwoz na, cèw cèw ba, ta adai, a ta gi hori azbai.

### *Nhin malai*

**3** **1** Te va skwi dakhi man Ndo nzi pèc pècèk Zhiklè a nge ta, zhùzhok a fen ta a maya n'ngwèdè ndo tèleba. A ngàda na ngwoz: Gokwèn, Zhiklè a ngàda kinè: Kin da ndau nyi wofhi te gi lak haha bi èè? **2** A ngwoz a m'mbeba na a ma a zhùzhok: Nga ndi nyi wofhi te gi lak. **3** Sèi nyi wof te ndev gi lak, Zhiklè a gaè, kin ndu nenga'a bi fèt, kin lama na bi fèt, man bai kin da

metsi kinè. **4** A zhūzhok a ngaða na ngwoz: Kin metsi azbai; **5** aman Zhiklè a suna, a pats man kin da ndau, di kinè a da win na, a kin da gi lèmlèlèmè ara zhiklèhai, kin da sun skwi man amba a skwi man amba bai. **6** A ngwoz a nrka, nyi wof amba a skwi n'ndai, amba a dai, amba a ngècè maya. A n'ngulo nyi wof, a n'ndau, a mva na baki nenga'a ba, man ta nza a vna. A nenga'a ba a n'ndau. **7** A tenga'a cèw ba, a di ta a win na, a ta rka, ta adai. A ta tsaffa vah, a ta manda a ma.

**8** Aman ta tsena sam sak Ndo nzi pèc pècèk Zhiklè man a shèwèlè a pats dakwad, te gi lak, Adam a ngwoz na ta ngheda va ta a sam di Ndo nzi pèc pècèk Zhiklè, a hwað wof te gi lak. **9** A Ndo nzi pèc pècèk Zhiklè a mbaha na Adam, a ngaða na: Ka tema? **10** A nenga'a a ngaða: I tsena sam sak ngaya te gi lak, a i gu zlau, te man iyè adai, a i ngheda va ga. **11** Bi Zhiklè a ngada na: Ngaða ka, ka adi, wa? 'Dè, ka ndau nyi wof man i njè ka ma a gèd, ka ndau nenga'a bi, dè? **12** A Adam a ngaða: Ngwoz man ka vayè, a mvayè nyi wof, a i ndau. **13** A Ndo nzi pèc pècèk Zhiklè a ngaða na ngwoz: Ka ga mè? A ngwoz a m'mbeða na a ma: Zhūzhok a mpiyè a wai, a i ndau. **14** A Ndo nzi pèc pècèk Zhiklè a ngaða na zhūzhok: A gèd man ka gau ar haha, ka phomda'a, te va skwi ndzhamhi tèleba, a skwi dak tèleba. Ka hi a hwað ngaya, ka bhöm herkeda a pats nshèffè ngaya tèleba. **15** I woya a i pa kinè gèd a va a ngwoz ara ndohi mayamhai; a wud ngaya a wuda nenga'a ba. Nenga'a a da batsama ka gèd, a ka, ka da jè ndudok sak nenga'a. **16** A ngaða na ngwoz: Aman ka a hwað, ka si matakwan kumba. Ka da yi kra a wuði a va. Mi baki ngaya keð ka, a nenga'a a da gi a bi ngaya. **17** A ngaða na Adam: A gèd man ka fa na zlembaïd a ma ngwoz ngaya, a ka ndau nyi wof man i gaða ka, ka ndau nenga'a bai, herkeda mphomda'a a gèd ngaya. Ka da ngècè skwi t'herkeda a wuði a va, a pats nshèffè ngaya tèleba. **18** Herkeda a da scè vatak a nkudzarai, a ka da ndi lak te dak. **19** Ka ngècè movar ngaya a vazaza a va, ha pats man ka men ngaya a deða a va mberfenèk, man i ce ka te pa. Ka mberfenèk, a ka min ngaya a deða a va mberfenèk. **20** A Adam

a mbaha na ngwoz nenga'a, Eve, aman nenga'a n'nga a mam ndohi nshèffè tèleba a gèd herkeda. **21** A Ndo nzi pèc pècèk Zhiklè a mva ta bkwi a va a nda Adam a ngwoz na.

**22** A Ndo nzi pèc pècèk a ngaða: Na haha, ndo a n'nga lèmlèlèmè ara nga, a sun skwi man amba a skwi man amba bai. Anai da tor ri asabai, a ngul nyi wof nshèffè a va'a, aman a da nzi a mèdèp. **23** A ndzomkoðaуда te gi lak te Eden, aman a dè a pizhè herkeda, te nasa Bi Zhiklè a mco. **24** A ndzomko ndo auda, a nzlatseda chérubim a ma gi lak, a kafahi gwèsh te rai, man vogwa te pa, a ta ber civèd man a dè a sam wof nshèffè.

**Cameroon  
Mofa  
Bible  
1989  
CLT  
BSCAM  
Yaounde  
Cameroon  
B205355**

La Bible en langue mofa

© Alliance biblique universelle 1989

UBS—EPF 1989—3M—CL053